



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

Sa tribulia de su Parcu de su Molentargius est suta de is ogros de totus e est impensàbile andare a in antis gasi ancora a longu. Serbit un'umprida, capatza de pònnere in seguridade unu bene de inestimàbile balore e de esaltare is potenzialidades enormes suas subra de su pranu ambientale, sientìficu, econòmicu e turìsticu, bera e risorsa pròpia istratègica pro is comunidades nostras. Quartu at seberadu giai dae tempus e cun detzisione sa bia de s'isvilupu armònicu e sustenibile, ma su stallo attuale ponet a forte in discussione sa matessi permanèntzia nostra a s'internu de unu comitadu de gestione difatis fatu impossibile a operare. Bene ant fatu su Presidente Stefano Secci e su vitze sìndigu Tore Sanna a sotaliniare sa paràlisi operativa in cale ghetat oe su Parcu de su Molentargius, cun una denuntzia puntuale de is dificultades de is pàginas de su prus difùndidu fitianu regionale. Una recherta pressante de iscurtu a sa Regione a cale m'aunidu: serbit un'afortiamentu de su personale amministrativu, tècnicu, sientificu (no est pensabile andare a in antis petzi cun duos geòlogos chi faghent su chi podent). Serbit una direzione a tempus prenu in is ufizios de su Parcu, in gradu de pònnere coro e ancas a is progetos de isvilupu istratègicu chi abarrant firmos giai de 30 annos. E serbit pònnere manu deretu a is normas pro las adeguare a sos actuales bisòngios de su Parcu, chi andat cunsideradu non comente unu corpus angenu a su cuntestu chi s'inghìriat, ma comente a su pernu tzentrale de is polìticas amministrativas de su territòriu, in un'òtica de programatzione e de isvilupu integradu dae inoghe a su mancu finas a is 30 annos imbenientes. Custa batalla nch'at a bìdere in sa prima lìnìa comente a Comunu: su Molentàrgius devet bìvere, in custa istraordinària risorsa est postu su benidore matessi nostru.